

ত্রিপুরা সরকার
তথ্য ও সংস্কৃতি অধিকার

স-৫০৭

আগরতলা, ৮ মে, ২০১৮

১০-১২ মে আশ্বৈদকর গ্রামীণ মেলা

ভারতের সংবিধান প্রণেতা ড. বি আর আশ্বৈদকরের ১২৮তম জন্মজয়ন্তী উদ্‌যাপন উপলক্ষে বিভিন্ন অনুষ্ঠানের অঙ্গ হিসেবে আগামী ১০-১২ মে হাঁপানিয়া আন্তর্জাতিক মেলা প্রাক্কণে আশ্বৈদকর গ্রামীণ মেলা অনুষ্ঠিত হবে। ১০ মে বিকাল ৪টায় তিনদিন ব্যাপী এই মেলার উদ্বোধন করবেন মুখ্যমন্ত্রী বিপ্লব কুমার দেব। আগরতলা প্রেস ক্লাবে আজ বিকেলে এক সাংবাদিক সম্মেলনে এই সংবাদ জানান মেলা কমিটির চেয়ারম্যান বিধানসভার প্রাক্কণ অধ্যক্ষ জিতেন্দ্র সরকার ও ড. বি আর আশ্বৈদকর জন্মজয়ন্তী উদ্‌যাপনের রাজ্য ভিত্তিক প্রস্তুতি কমিটির সহ-সভাপতি বিধায়ক ডা: দিলীপ কুমার দাস।

রাজ্য সরকারের তপশীলি জাতি কল্যাণ দপ্তরের আর্থিক সহায়তায় আয়োজিত তিনদিন ব্যাপী মেলায় সাংস্কৃতিক অনুষ্ঠান ও সেমিনার অনুষ্ঠিত হবে। মেলায় বিভিন্ন দপ্তরের উন্নয়নমূলক কাজের প্রদর্শনী মন্ডপ এবং স্ব-সহায়ক দলের স্টল থাকবে। মেলার দ্বিতীয় দিন কবি সম্মেলন ও 'ড. বি আর আশ্বৈদকর ও সমকালীন ভারতবর্ষ'- শীর্ষক সেমিনার আয়োজিত হবে। সেদিন অনুষ্ঠানে প্রধান অতিথি হিসেবে উপস্থিত থাকবেন রাজস্ব ও মৎস্য মন্ত্রী নরেন্দ্র চন্দ্র দেববর্মা। তৃতীয় দিনের অনুষ্ঠানে সেমিনারের বিষয় 'ভারত গঠনে আশ্বৈদকরের ভাবনা'। সেদিন প্রধান অতিথি হিসেবে বিধানসভার অধ্যক্ষ রেবতী মোহন দাস উপস্থিত থাকবেন।

সাংবাদিক সম্মেলনে মেলার উদ্দেশ্য ব্যাখ্যা করে বিধায়ক ডা: দিলীপ কুমার দাস বলেন, বাবা সাহেব আশ্বৈদকর ছিলেন বহুমুখী প্রতিভার অধিকারী। তিনি অর্থনীতি, বিদেশনীতি ও পররাষ্ট্রনীতির ক্ষেত্রে আমাদের যে দিশা দেখিয়ে গেছেন সেই পথে যদি আমরা চলতে পারি তবে দেশ নিঃসন্দেহে বিশ্বের দরবারে এগিয়ে যাবে। তিনি আরও বলেন, আশ্বৈদকরের কর্মজীবনের বিভিন্ন দিকগুলি সম্পর্কে মানুষ এই মেলা থেকে জানতে পারবেন। সাংবাদিক সম্মেলনে জিতেন্দ্র সরকার বলেন, আশ্বৈদকর সারা জীবন উঁচু জাত, নীচু জাতের ভেদাভেদ দূর করে, মানুষের মধ্যে শ্রেণী বিন্যাস দূরীভূত করার কাজে নিজেকে নিয়োজিত রেখেছিলেন। এর মাধ্যমে দেশকে এগিয়ে নিয়ে যেতে সারা জীবন কাজ করে গেছেন। সমাজে পিছিয়ে পড়া মানুষের মধ্যে ড. বি আর আশ্বৈদকরের দৃষ্টিভঙ্গি জাগ্রত করাও এই মেলার অন্যতম উদ্দেশ্য বলে তিনি উল্লেখ করেন।
